

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 232722 23 St
Zenica, 10.09.2024. godine

Općinski sud u Zenici, stečajni sudija Amela Sinanović, u prethodnom postupku za utvrđivanje uvjeta za otvaranje stečajnog postupku nad stečajnim dužnikom Disco club MAGAZA d.o.o., ul. Alije Izetbegovića bb, Breza, nakon održanog ročišta za utvrđivanje uvjeta za otvaranje stečajnog postupka održanog dana 02.07.2024. godine u prisustvu punomoćnika predlagatelja Smailbegović Mirze, advokat iz Sarajeva i privremene stečajne upravnice Vranac Selme, van ročišta, dana 10.09.2024. godine, donio je sljedeće:

R J E Š E N J E

Otvora se i zaključuje stečajni postupak nad imovinom stečajnog dužnika Disco club MAGAZA d.o.o., ul. Alije Izetbegovića bb, Breza, matični registarski broj subjekta upisa 43-01-0216-18, zbog nepostojanja imovine, dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 43-01-0216-18, a po pravomoćnosti ovoga rješenja.

O b r a z l o ž e n j e

Predlagač Disco club MAGAZA d.o.o., ul. Alije Izetbegovića bb, Breza kao stečajni dužnik je dana 24.07.2024.godine ovom sudu podnio prijedlog za otvaranje stečajnog postupka, u kojem navodi da je osnivač društva dana 20.07.2023. godine donio Odluku o prestanku rada društva jer društvo nije u mogućnosti izmiriti svoje obaveze, niti ima imovinu iz koje bi se mogle izmiriti kratkoročne obaveze.

Rješenjem ovog suda broj 43 0 St 232722 23 St od 26.04.2024. godine pokrenut je prethodni postupak radi utvrđivanja uvjeta za otvaranje stečajnog postupka, a za privremenog stečajnog upravnika imenovana je Vranac Selma iz Visokog.

Na ročištu za ispitivanje uvjeta za otvaranje stečajnog postupka održanom dana 02.07.2024.godine, privremena stečajna upravica je ostala kod svog Izvještaja od 29.05.2024. godine, te istakla da je u Izvještaju o računima stečajnog dužnika, sačinjenom do strane Centralne Banke BiH od 23.05.2024. godine, evidentiran status transakcijskih računa stečajnog dužnika i to: račun otvoren kod ASA Banke d.d. Sarajevo koji račun je proglašen glavnim računom dana 02.12.2022. godine, a isti je blokiran dana 01.12.20212. godine, da je transakcijski račun stečajnog dužnika kod Vakufske banke proglašen glavnim računom dana 17.08.2018. godine, a isti je ugašen dana 22.07.2021. godine. Izvršen je uvid u dopis broj 041-0-RZ-24-000961 od 06.05.2024. godine, dostavljen od strane Općinskog suda u Visokom iz kojeg proističe da stečajni dužnik nije evidentiran kao vlasnik/suvlasnik nekretnina u zemljišnim knjigama koje se vode kod

Zemljišno-knjižnog ureda Općinskog suda u Visokom. Uvidom u Uvjerenje broj 04/1-1-26-1124/24-2 od 24-2 od 23.05.2024. godine, Općina Breza, Služba za prostorno uređenje, zaštita okolice, geodetske i imovinsko-pravne poslove stečajni dužnik nije upisan kao nosilac prava u katastarskom operatu. Uvidom u bilansne pozicije predmetnog društva – Bilans stanja na dan 31.12.2022. godine na poziciji Imovina – Dugoročna imovina, evidentiran je iznos od 0,00 KM. Kratkoročna imovina na grupi konta (zaliha, potraživanja od kupaca i ugovorena imovina, ostala finansijska imovina, dugoročna imovina namijenjena prodaji i imovina poslovanja koje se obustavlja, akontacija poreza na dobit, ostala imovina i potraživanja, uključujući i razgraničenja) evidentiran je iznos od 0,00 KM izuzev konta Novac i novčani ekvivalenti gdje je evidentiran iznos od 11,00 KM. Uvidom u Bilans stanja na dan 31.12.2023. godine na poziciji Dugoročna imovina evidentiran je iznos od 0,00 KM. Kratkoročna imovina na grupi konta (zaliha, potraživanja od kupaca i ugovorena imovina, ostala finansijska imovina, dugoročna imovina namijenjena prodaji i imovina poslovanja koje se obustavlja, akontacija poreza na dobit, ostala imovina i potraživanja, uključujući i razgraničenja) evidentiran je iznos od 0,00 KM. Iznos od 11,00 KM koji se vodio na kontu Novac i novčani ekvivalenti na dan 31.12.2022. godine je bilo evidentirano na kontu 2000 transakcijski račun Asa Banka d.d. Sarajevo na dan sastavljanja Bilansa stanja 31.12.2022. godine, dok je navedeni iznos rashodovan po osnovu ispravka greške iz ranijih godina obzirom da je transakcijski račun koji se vodi kod ASA Banke d.d. Sarajevo blokiran od 01.12.2023. godine, te u Bilansu stanja na dan 31.12.2023. godine na kontu Novac i novčani ekvivalenti evidentiran je iznos od 0,00 KM. Uvidom u bilansne pozicije predmetnog društva - Bilans stanja na dan 31.12.2023. godine na bilansnim pozicijama evidentirane su obaveze u ukupnom iznosu od 20.904,00 KM, a koje se odnose na: obaveze na neto plate tekućeg perioda u iznosu od 14.621,64 KM, obaveze na porez na dohodak u iznosu od 320,50 KM, obaveze za posebne naknade za zaštitu od nesreće u iznosu od 30,94 KM, obaveze za opću vodnu naknadu u iznosu od 30,94 KM, obaveze za doprinos za PIO u osnovicu u iznosu od 3.636,40 KM, obaveze za doprinos za PIO na osnovicu u iznosu od 554,40 KM, obaveze za doprinos za zdravstveno osiguranje iz osnovice u iznosu od 1.155,00 KM, obaveze za doprinos za zdravstveno osiguranje na osnovicu u iznosu od 369,60 KM, obaveze za doprinos za nezaposlenost iz osnovice u iznosu od 138,40 KM, obaveze za doprinos za nezaposlenost na osnovicu u iznosu od 46,20 KM. Uvidom u Bilans uspjeha za period od 01.01.2022. godine do 31.12.2022. godine iskazan je dobitak/gubitak u iznosu od 0,00 KM. Uvidom u Bilans uspjeha za period od 01.01.2023. godine do 31.12.2023. godine iskazan je dobitak/gubitak u iznosu od -11,00 KM. Privremena stečajna upravnica je navela da Uprava stečajnog dužnika nije podnijela prijedlog za otvaranje stečajnog postupka u roku od 60 dana od dana nastupanja platežne nesposobnosti u skladu sa članom 63. stav 7. Zakona o stečaju, te da isti niti u cjelini niti djelimično ne može nastaviti poslovanje u toku prethodnog postupka u skladu sa čl. 63. stav 3. Zakona o stečaju, te je navela da postoje razlozi za otvaranje stečajnog postupka, da je utvrđena platežna nesposobnost dužnika, ali da društvo nema imovine iz koje bi se namirili troškovi stečajnog postupka, pa je predložila da sud pozove povjerioce i zainteresovana lica da predujme troškove vođenja stečajnog postupka u iznosu od 3.000,00 KM, a u protivnom ukoliko niko ne predujmi navedeni iznos da sud otvori i istovremeno zaključi stečajni postupak.

Kako iz dostavljene dokumentacije uz izvještaj, kao i pojašnjenja likvidatora na održanom ročištu, proizlazi da društvo, iako postoje stečajni razlozi, nema imovine iz koje bi se namirili troškovi stečajnog postupka, te kako niko od zainteresiranih lica - povjerilaca, a po pozivu suda objavljenom u Sl. novinama FBiH br 56/24 od 19.07.2024. godine, nije predujmio novčana sredstava u iznosu od 3.000,00 KM, na ime troškova za vođenja stečajnog postupka, odlučeno je kao u dispozitivu ovoga rješenja, u skladu sa odredbom člana 102. st. 7. i 8., te odredbom člana 204. stav 5. Zakona o stečaju („Službene novine F BiH“, broj: 53/21).

Slijedom naprijed navedenih odredbi Zakona o stečaju, sud je riješio kao u dispozitivu ovog rješenja.

PRAVNA POUKA:

Protiv ovog rješenja dopuštena je žalba Kantonalnom sudu Zenica u roku od 8 dana od dana dostave rješenja, a putem ovog suda.

Stečajni sudija
Amela Sinanović